

摘藻堂四庫全書薈要

史部

欽定四庫全書薈要

史部

硃批諭旨卷一百二十五之十二

詳校官編修臣繆晉

欽定四庫全書薈要卷八千三十四

史部

硃批諭旨卷一百二十五之十二

硃批鄂爾泰奏摺

雍正七年八月十八日雲貴廣西總督臣鄂爾泰

謹

奏為恭謝

聖恩事雍正七年閏七月初九日臣齋摺家奴蒙

恩賞銀十兩馳驛齋回



御賜臣

御製磁餅二件

內製藤花籃二件囊花毬一件蓮心茶二瓶松糕一

匣茶糕一匣乳餅香瓜乾共一匣蜇鱸魚乾十束

抵貴陽省城臣郊迎至公館恭設香案望

闕叩頭謝

恩祇領訖至二十一日臣自貴陽起程二十三日抵安

順府二十四日早臣齋摺把總李顯齋到

御賜臣蜜荔枝二餅臣跪迎回店恭設香案望

闕叩頭謝

恩祇領畢隨起身前來業於八月初二日抵署具疏  
題報在案敬啓摺扣荷蒙

硃批朕躬甚安好向來朕甚畏暑今歲都中盛熱而總  
未覺苦飲食起居更好諭卿慰念卿好麼欽此臣跪  
誦數四懼忻踴躍莫可名言曾遍告諸臣用慰感  
切至於臣以凡材叨蒙

聖眷獎勵訓勉逾格殊倫每自叅詳倍深悚惕誠恐少  
自寬懈即是悖負將不齒於人倫之數也惟誠惟  
敬誓當終身以之必如何報稱臣無能多言謹此  
繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏為

德溥兩間慶協三才事竊照黔省思州府慶雲臣已經  
摺報續據貴州司道及副將趙文英呈詳隨經會  
同撫臣張廣泗具疏

題報在案一月之內七度呈祥洵為千古所未有更  
為黔省所特見據思州府知府劉洄等赴省面稟  
前報慶雲實非畫圖所能彷彿筆舌所能形容如

所報宮扇誠如雀屏雉尾佛像誠如瓔珞莊嚴佛  
頂金冠閃爍巍峩天光雲影中隱約瓊樓玉宇疊  
現六日無論漢夷兵民莫不驚奇互相慶幸等語  
又據撫臣張廣泗回省口述詢據趙文英等面稟  
殊形異彩恍如丹鳳朝陽日下雲頭宛似蓮臺擁  
護是日梅岑黑苗正在抗拒適於劄營時衆苗舉  
頭共見一時各棄器械合掌齊跪叩天輸誠不數  
日而古州口月數寨亦傾心來歸等語此皆我



聖主福德感召天不愛道之協應也其黔省農事六月  
早稻登場七月夷民獻新穀莖分兩三岐長七八  
尺者遍畝叢生臣亦經

奏報閏七月內據各屬稟報晚稻嘉禾自二三穗以  
上無論高低原隰漠土苗疆通屬皆同現據呈驗  
者已不下萬枝而長大稻穗每穗計米竟至三百  
餘粒至小米穀穗長大自一尺三四寸至一尺八  
九寸不等者亦不止萬枝並有一穗上又生九小

穗一莖上竟有二十四穗者驚見罕聞實從來所未有此皆我

聖主誠敬感格地不愛寶之符驗也臣駐黔時各處新化苗民紛紛赴省叩見臣每宣布

皇仁剴切勸諭并各加獎賞無不懽忻鼓舞各歸本寨互相勸勉爭先剃頭竝皆感泣續據總兵張大有稟稱每於合榔之日傳齊遠近欵諭之寨令其互相激勸見苗人爭先設誓共相親睦願為良民竟

有至垂涕失聲者始信

聖德所孚不遺異類有不期然而然者等語臣自貴陽起程目覩沿路民苗或捧嘉禾或獻野蔬築場刈獲熙熙閑閑親敬官長之誠形於顏色此皆我

聖主憂勤懷保至化翔洽以致風動時雍無間於邊遠之明效也臣伏念黔省天示奇祥一月七現地呈上瑞一莖二十四穗一穗九岐人樂昇平嚮化之苗寨有數千丁有數十萬經史所稱卿雲之歌豐

年之慶咸寧之化畢集於一時超邁乎千古實非尋常嘉徵所可以比擬况年逢大有尤在必書所以重民依昭農祥也臣不揣冒昧業商同撫臣張廣泗令將嘉禾瑞穀敬貯萬八千數并繪全圖備呈

御覽擬俟秋收既畢會疏

題報合先繕摺奏

聞伏乞

聖主睿鑒施行臣謹

奏

此實皆卿忠誠之所感名披覽之下嘉悅慶幸之懷筆  
難宣諭

同日又

奏為奏

聞事竊照雲南省今歲夏月多雨郡縣中低窪田地間  
有被淹其水退後禾苗無損者如雲南府屬之晉

寧州宜良縣并楚雄府本治及附近屬邑俱照常  
收獲外惟曲靖府屬之南寧縣東北二鄉地連馬  
廠勢最窪下於本年五月二十一日因廟高山起  
蛟發水衝決堤岸共淹民屯馬廠田地一百五十  
餘頃時臣在黔接據稟報隨一面委員查勘令分  
別具詳復札諭地方官督率疏導有可以補種處  
加意調劑去後續據該府知府劉斌該縣知縣梁  
廷彥稟稱履畝查勘前報被淹田畝內水退之後

早者已補栽十分次者補栽六七分最遲者亦補栽二三分現種蕎麥豆稗等項可以一體秋收其餘田禾俱倍加豐盛等情臣查滇省地方山多田少喜水畏旱故民間有水潦喫飽飯乾旱要苦饑之謠臣自黔回滇沿途遍詢文武目覩田禾豐茂並據各屬稟報迤東皆慶有秋而迤西諸郡尤盛茲南寧二鄉被淹田地本屬無幾水退後又可補栽且春熟十成已抵終歲之半若因一時之水全

免一歲之糧在

聖恩浩蕩蠲賞動百萬何論此些微但民可使由不可  
此又在鄉酌量為之者

使知恐長刁風不可為訓撫臣沈廷正業經按數  
請免應候奉

旨准咨到日臣再核實商定務使均平事有因惠而貽  
害示怨而為愛者職在邊方尤不可不慮也再本

年七月十四日戌時起至十七日止大理府及趙  
此滇省每有者而適逢御在黔之時亦大奇

州城內地連微動堞口哨房及歌斜民房倒塌數



處損傷婦女二口隨經撫臣委員查勘賑卹據覆  
一府一州共倒房三十一間坍塌二十九堵現俱  
修理賞卹久已寧靜竝准提臣張耀祖札與所勘  
無異合并奏

聞伏乞

聖主睿鑒臣謹

奏

覽

同日又

奏為請

旨事竊臣荷蒙

聖恩兼制粵西受事以來已逾半載所有地方營伍一切情形業備悉大畧內有應整飭者有應更易者有應調停者有應循照者有應示以嚴急而始得挽回者有應示以寬緩而始能條理者事雖萬殊理實一本在撫提二臣努力盡心加意整頓臣復

隨事參酌和衷商辦現據所見所聞文武人各思奮猛撞少知斂跡器械旗幟已煥然可觀積犯首兇已屢經縛獻然而殺刦之案猶多嚇詐之風不熄因循與鹵莽同科下屬與上司異志總緣衆心未齊是以諸事有待若不先將官僚將弁諄切開示俾各知所遵循次將惡衿姦胥及兇頑土棍嚴懲一二俾羣知有法紀恐即零星料理終難立定規模今臣已回署仰賴

聖訓雲貴諸務皆粗有頭緒即親理事件兩月之內亦

俱可清楚

臣

擬於冬至後起身赴粵自羅平廣南

入粵境由右江鎮泗城思恩府屬左江鎮南寧府

屬抵提督駐劄之柳州府沿途查勘營汛考驗弁

兵即赴桂林省城與撫臣面商糧鹽廠局并一應

事宜俟封印以後各屬無事再行調府州縣詳加

驗看分別優劣酌量人缺復開誠勸諭動其良心

俾各知是非榮辱共思所以自立庶能者鼓勵劣

者改悔人既足用設措不難而臣亦得藉手少慰  
悃忱是所至願是所深幸也謹繕摺請

旨伏乞

聖主睿鑒

俞允施行臣謹

奏

好應題奏者具題但鄉赴粵時凡少有煙瘴處萬不可  
經歷若少疎忽則違旨負恩莫此為甚也必遵旨行

雍正七年九月十九日雲貴廣西總督臣鄂爾泰

謹

奏恭請

皇上聖安

朕躬甚安好凡有來引見過往之人朕皆詳細備問知  
卿精神氣象甚屬壯健光彩實為慰悅之至為善日強  
是乃

天道敬誠為養性修身之本乃千古至理二者卿皆得之

矣朕復何慮

同日又

奏為恭謝

天恩並陳下悃事雍正七年八月十五日臣接到家信

敬聞

敕建昭忠寺大典告竣復

欽定表獎忠勲扁額業於七月吉日懸掛竝安置牌位  
讀文致祭而臣曾祖圖捫亦得與祀典臣隨恭設

香案率同妻子望

闕叩頭恭謝

天恩訖竊念

臣

高祖屯太初由汪欽地方率領七村親

族人等效順歸誠蒙

太祖高皇帝以覺羅瓦爾喀厄七克之妹給屯太為妻將

屯太之妹給呂東巴突魯郡王為配即

賞給全佐領又一拜他拉布勒哈番

臣

曾祖圖捫承襲佐

領兼拜他拉布勒哈番擒剿諸役屢著勤勞及大



凌河被圍圖捫領兵首先出戰殺入敵陣又力擊  
張理兵奮勇陣亡時臣祖圖彥突甫年十九蒙

太宗文皇帝優卹

垂問賞襲佐領兼拜他拉布勒哈番圖彥突歷任叅領兼  
戶部郎中屢有戰功通旗首重迨順治元年平定  
北京圖彥突身故年四十三時臣兩伯父纔五六  
歲臣父鄂拜甫二歲衆皆叙功獨遺未敘臣父每  
向臣言汝等但能上進將爾祖事績得一達

天聽吾可見爾祖於地下臣子効忠功固非所計此臣

高曾祖從

龍家世之始末也伏念臣以薄劣凡材遭逢

殊遇位至總督加銜尚書並無寸功而官廕二品今又

以苗疆之役交部議叙雖臣實不稱而祖宗父母

皆應感泣於泉下瑣屑私情又何敢仰瀆但臣曾

祖圖捫既叨列昭忠牌位僅書佐領查固原提督

臣紀成斌之父陣亡守備紀法業蒙

聖恩賞給

誥封得以贈官位列大臣之末懇祈

聖恩矜憐臣志將臣苗疆議叙之案

准予銷免

賞給臣職銜

誥封俾臣曾祖圖捫亦得以贈官位列大臣之末而臣  
之父母竝得受封贈改換祠堂神主則臣上至祖  
宗下及子孫生生世世光榮無既矣謹此繕摺恭

謝

天恩並陳下悃伏乞

聖主睿鑒施行臣謹

奏

此奏朕實欣悅嘉是覽之待朕恩命可也

同日又

奏為恭謝

聖恩事雍正七年八月十五日臣齋摺家奴蒙

恩賞銀十兩馳驛齎回

欽賜臣

御服織花屯絹袍褂二件紅白月餅各一匣白石榴一  
簍綠葡萄一簍大觀糝三口葫蘆餅一座八方雙  
管餅一座方勝花餅一座太平罇一件水丞一件  
均窰瓶一座抵滇臣隨郊迎至署恭設香案望

闕叩頭謝

恩祇領訖伏念臣叨荷

殊知無能報稱每多錯悞時切悚惶茲復月餅

寵頒恰值中秋佳節珍器羅列鮮果具陳萬里

九重寸衷百結仰窺

總不必如此作兒女態蒙

天心之眷注瞻依激切不自禁涕洟之霑襟也至於王

上天慈恩我君臣歡聚之日正長也將朕此諭可日夕誦

志正虧空一案既確係侵欺則法所難宥

之

國家立法原以儆貪劣非止為錢糧臣不但不應入

本請釋竝先不應入摺請免乃不思體要所關僅

以錢糧實係無著遂冒昧無知有干朦混前在黔

見鈔深自悔懼寢食不能安獨以聽候部議未敢  
具陳茲於八月二十九日接准部咨復蒙

聖恩寬免處分聞

命之下且感且慚竊惟受恩重者罰不宜輕以臣受  
恩深重中外皆知而猶有不盡心尚何所逃罪仰祈

聖鑒凡臣有過愆務加倍處分庶臣益自奮惕而天下  
臣工亦羣知所做戒矣為此繕摺恭謝

聖恩伏乞

聖主睿鑒臣謹

奏

朕何忍加處分於卿也與其有今日之寬似不如初時  
即暗弭其議但朕所見不然一者卿有微過令天下知  
朕亦毫不容情二者卿之所屬員弁兵民見朕如此信  
重於卿或有分外希冀及怨卿之不達於朕者亦可令  
知少越準繩即有勢不可行之處卿宜知朕用意可也  
況在卿原不過為清理案件之舉前摺請之時朕亦未



深悉一時批諭鄉又何罪之有

同日又

奏為地出醴泉民沾厚澤事雍正七年九月十四日  
據雲南永昌道雷之瑜呈稱九月初八日據大理  
府知府陳克復詳據趙州知州徐樹閔詳稱據白  
崖鄉約周澤等連名稟稱本年閏七月白崖五里  
路地方平地中忽湧出甘泉二股一出於仙女莊  
後山之麓一出於蝦蟆口泉清味甘一帶雷鳴田

地俱可賴以灌溉小民等實切慶幸理合稟報等

情卑職立即親至其地查勘得仙女莊泉水一股

約圍圓八九寸許蝦蟆口泉水一股如珍珠上湧

隨親掬酌飲二泉味極清甘及遍問村民僉供向

來並無此泉今於閏七月中忽從平地迸出雷鳴

田地俱可藉以灌溉所有原納地稅情愿皆改田

糧等語卑職勘明仙女莊與蝦蟆口相去里許查

趙州與雲南縣交界該縣並無水利以故田號雷

鳴今得此二泉兩州縣近泉田地皆可藉灌溉實大有裨益等情詳報到府轉詳到道除批行趙州細查泉流遠近或由某處入河或至某地蓄聚實可灌溉趙雲二州縣田畝若干另行繪圖造冊詳報外相應呈報等情到臣謹按禮記曰天不愛其道地不愛其寶人不愛其情是以地出醴泉又禮運云王者政平則醴泉出史載堯時醴泉出夏后時亦出鶡冠子曰聖人之德上及太清下及太

寧中及萬靈則醴泉出欽惟我

皇上誠無不通明無不照登萬民於衽席合九域以生  
成誠足以感召

天和協應地靈醴泉之出實為難得之上瑞也伏查前古  
縱有甘泉未必有關民命可濟田疇今白崖地方  
即漢時五色雲現而雲南由此得名者趙州雲南  
縣繡壤相錯其他郡縣俱有流泉挹注臣經通檄  
全省相度水利當疏者疏之當塞者塞之當分者

別其支派當防者厚其堤岸各因其勢而利導之  
亦略有成效獨至雲南一縣束手無策智勇俱困  
向來一帶雷鳴田地皆屬地稅民艱於耕種故也  
今有二泉可資灌溉百姓蒙福踴躍稱慶無一不  
頌

皇仁而荷

天眷臣實不勝忻幸不勝感切除俟查明流泉之遠近灌  
田之多少詳覆到日另當

奏報外合先繕摺奏

聞伏乞

聖主睿鑒臣謹

奏

欣悅覽之有旨諭內閣頒發刻刻不可負

上天神明

聖祖慈佑成全顯應之大德深仁也覩此我君臣能不凜然於衷存敬畏於衾影乎期共勉之

同日又

奏為遵

旨議奏事雍正七年八月二十九日承准大學士公馬爾賽大學士張廷玉蔣廷錫寄信內開雍正七年閏七月二十二日奉

上諭御史龔健颺所奏著鈔寫分發與總督鄂爾泰田文鏡李衛巡撫尹繼善署巡撫費金吾謝旻令其各抒所見確議具奏朕又思邇來八旗於叅領佐領外

添設副叅領副佐領辦理旗下事務甚有裨益至於各省州縣事務實為繁多或於知州知縣亦添設一官為副地方如有查勘工程檢驗命案等事州縣一人不能分身兼顧者添設一人協同辦理亦不致耽延遲悞而州縣官陞遷離任之時有平日同事熟習之員接辦亦似有益但兩人同為一官或因事無專責互相推諉或因意見不合彼此爭執轉致事務稽遲即如從前宜兆熊劉師恕之在直隸於公事甚屬



無益今添設州縣副員是否可行有無裨益之處亦著鄂爾泰田文鏡李衛尹繼善費金吾謝旻各抒所見一併議奏欽此遵

旨寄信前來等因併鈔掌山東道監察御史龔健颺奏請州縣自牧令丞尉而下於東西南北四鄉各設鄉官一員取用本鄉之人以資治理原奏稿遞送到臣該臣查得設官分職各有專司專司而外原有佐理如州牧縣令以下設有州同州判吏目縣

丞主簿典史等官而縣分大者則添設縣丞為之  
徵比錢糧審理詞訟鄉鎮多者則分設巡檢為之  
緝捕匪類查拏盜賊定制立法固已屬盡善況

本朝定例官員不許陞任本省其選授隣省距原籍  
五百里以內者亦應另補親屬同官一處又有迴  
避之例蓋近隣本地或易於囑託營私而遠離桑  
梓可杜徇私報復諸弊也今若添設鄉官即用本  
鄉進士舉貢生監耆民人等若輩世居其土非親

即故內有恩有德亦有怨有嫌一旦令其羣居民

上予以事權無論假公濟私施威市恩料事所必有即或皆屬善人存心利物而拘鄙乖張各逞已見將議令紛出民情觀望雖有賢牧令恐亦難於措手矣據稱人才不易安所得盡皆有猷有為有守之人為之星布而碁列斯言誠是但統合天下州縣計共一千四百餘缺尚慮其不盡賢能若合計加三倍之鄉官共需五千六百餘人能保其盡

得賢能而為有猷有為有守之人乎既不能保其

盡得賢能矣不賢不能之鄉官縱能確知一鄉之

中某某刁惡某某抗欠某某酗酒賭博某某行竊

窩強保其能秉公據實密告牧令明申法紀乎夫

今之州同州判丞簿巡檢吏典等官即論語所云

應先之有司漢制所稱三老嗇夫游徼等職之屬

類也唐書所載縣下於鄉者即今之鄉約鄉保總

甲總練之屬類也名異實同人存法立如果牧令

得人則此等等人原俱可以助其不及而進其不  
知即鄉進士舉貢生監內品行才德之選亦未始  
不可以資耳目而益心思是不必增鄉官而堪以  
佐理者甚多設使牧令不得其人則雖賢能鄉官  
亦原不能主其事或遇不肖鄉官且適足濟其惡  
臣竊見出入衙門包攬公事把持官府欺壓善良  
之鄉紳衿監在在不少矣十室之邑必有忠信言  
必有者正為不多有也且鄉官既應設則佐貳可

裁佐貳不可裁則鄉官為冗臣愚以為該御史請  
設鄉官之議似不可行至所陳衙役差票之為害  
錢糧盜賊詞訟賭博保甲之不清與夫宣講

聖諭解釋律條之難周實屬切中但差票可以酌裁而衙  
役必難竟革不但牧令在所必需即鄉官一身亦  
難日遍鄉村家至戶曉勢必轉用委差謂鄉官之  
委差必善於牧令之衙役又誰能信其必然如徵  
收錢糧則原有自封投櫃竝滾單紙皂之例如緝

拏盜賊則原有著落隣佑保結之例如查禁賭博則原有責成佐貳轉責鄉甲逐戶具結之例如調處詞訟則原有戶婚田土細事先批鄉隣公講息結之例如徧行保甲則原有戶口門牌細開名數竝記簿稽察之例凡此諸條並無遺法皆仰煩

睿慮詳切開示通飭遵守者據該御史請委任鄉官之事皆牧令之所得為亦牧令之所能為下屬奉行不力實由上司督率之不勤人之過也於法乎

何尤至於宣講

聖諭

廣訓以及解釋部頒律條既非牧令一官所能徧及亦非鄉官四人所能周至在鄉官既仍率用各鄉村貢監生員而牧令亦何不可分用各鄉村貢監生員語云有治人無治法此雖恒言實準至理定制必有深意俱難輕議紛更臣惟願天下大小官吏各抒實心各宣實力既謹依良法更善體美意則



固執為法權宜亦為法於化民成俗之道或庶幾  
其有賴也再八旗事務原與州縣不同在叅領佐  
領半多世職其所管轄半多舊屬雖有頑劣乖張  
之員而瞻顧隱忍在所不免今添設副叅領副佐  
領既以貳其事又以分其權公同辦理實大有裨  
益至於各省州縣雖事務煩多要止不過數項得  
其頭緒亦不難料理況如邊省簡僻之州縣並未  
設有佐貳如大省煩劇之州縣業經分畫管理若

復添設副員於查勘檢驗等事固可以分任而一  
治兩官非統非屬倘不能和衷共濟或復此忌彼  
猜則誠如

聖諭或相推諉或相爭執轉致事務稽遲甚屬無益者  
也據臣愚見州縣副員似亦無庸添設緣係奉  
旨各行所見議奏事理相應繕摺陳明伏乞

聖主睿鑒臣謹

奏

是與田文鏡費金吾之論大槩相同惟尹繼善等之覆奏尚未到此事可無庸議者

同日又

奏為請招撫無管生苗以安三省邊境事竊臣摺奏前事內荷蒙

硃批此事目下萬萬不可事情重大若清理此事必四省督撫得人同心合力預為籌畫萬全一舉而可就緒今者邁柱查郎阿憲德王國棟皆非能料理此事

之人暫且緩之再者川陝精銳多派出口滇黔官兵亦當令休息湖廣民刁兵驕而從未經事非其時也此舉當密而又密之將岳鍾琪等所奏朕之批諭發來卿觀看自知朕意也欽此臣細閱岳鍾琪原摺敬

繹先後

硃批仰見我

皇上睿謀洪遠動計萬全謹當字字凜體不敢少萌躁妄伏查楚屬之容美川屬之酉陽兩土司實屬頑

劣為邊境隱憂然論其目前尚未竟至狂悖用兵  
懲創不但非時亦暫可不必在臣愚見原欲先事  
預籌逐漸化導俾得備悉情形熟知道路或可以  
不須兵力依次就緒固屬上策即或仍須用威則  
既有成算然後相機而動亦不難布置是以僅遣  
數人前往招撫好言勸諭以覘其動靜並非敢遽  
欲清理以徒滋惶惑也又蒙

硃批邁柱亦曾有聞黔省將楚界所轄生苗招去現今

咨問該督撫之奏朕批諭咨問果實可不必分彼此但令苗衆相安不拘何省也欽此伏查此疆苗界名為四不管既已四不管則屬楚屬黔誰能劃定前

臣差員前往化歸一百數十餘寨隨准湖南撫臣

王國棟來咨詢問黔員何故越界招去楚苗續准

楚督臣邁柱咨亦言同前事臣皆以差員撫苗原

止清黔界黔員或不知黔界故並將楚苗招徠原非黔員敢於越界多事即當查明此十三寨飭令

送還等語咨覆去訖試思此苗如果納糧於楚必

不肯再納糧於黔若在楚並未納糧何妨聽於黔

暫行入冊况事定之後自必仍還楚轄亦有何不

便在臣此舉除面示委員並密囑陞任糧道楊永

斌留心料理外其餘諸屬並未經與聞即楚督臣

邁柱係臣妻父亦並未一札通知誠恐先事洩露

徒滋議論反於正事無補也伏讀不必分彼此但

令苗衆相安不拘何省之

諭是為大公是為大同天下大小臣工皆應敬體斯言

又蒙

硃批楚省苗疆事宜可暫緩之且將已化之苗能令相  
安感戴國恩知向化之益其隣境觀望一二年不理  
而自治矣若急欲舉行倘遇不法兇苗再有漢姦挑  
撥則新附之苗不能保其不被煽惑也此事愈緩愈  
妥可遵旨行欽此伏查楚粵川黔苗疆各別獯蠻狃  
裸苗性半同狡悍者其常情反覆者其故智欲令



其相安感戴實不在法而在人得人之難難於任  
事善後之難尤難於創舉是無論未撫之生苗遠  
隔之隣境臣不敢謂或能料理即丹江古州一帶  
已經歸化之苗衆雖現在伏帖臣亦不敢時刻放  
心蓋努力易知機難解事易推誠難撥弄煽惑罪  
不止於漢姦而調停不善約束不嚴即官弁兵役  
皆有以激成事端亦並非僅苗人之罪也夫觀摩  
有漸緩即是急籌畫未周急反致緩據臣愚見容

美酉陽二處似並不須用兵或先於楚省密委新授布政使楊永斌川省密委建昌道劉應鼎黔省密委請補新設貴東道之鎮遠府知府方顯令各承辦各界並會合商酌但示開導不露威嚴一二年內或可以就緒倘彼時有須懲創則岳鍾琪已經凱旋總統調度亦可一舉而定臣受

恩深重萬難圖報事無難易不計能不能惟有竭力盡

心期少安衾影

臣謹繕摺具

奏是否有當伏乞

聖主睿鑒

訓示遵行臣謹

奏

亦且不必况酉陽容美皆久經歸化受職之苗非生苗  
可比今若無故委員化導雖此數人不露嚴威而委用  
之人或少見圭角萬一致生事端轉費料理且伊等亦  
頗知畏懼奉法斂跡矣再者建昌道劉應鼎原係川省

大員若不令伊上司聞知恐一切掣肘亦難從事縱命  
卿一人總理調度伊等於本省上司自有不得不將順  
之勢也況委員化導但革面而不能革心將來愈覺措  
置無辭若稍露不法之景又不便遽爾料理仍緩緩相  
機為是

同日又

奏為請開黔省鼓鑄以利民用事竊照貴州一省漢  
少夷多素無錢文行使惟用散碎色銀分釐交易

臣初欲運滇省制錢分交州縣以濟民用而路遠  
價貴慮難以流通繼籌設局開鑄俾上下通行又  
因本省乏銅須由滇運合算工價得不償費遂爾  
暫停止去歲秋冬間黔屬報有銅廠批准採試稍  
有成效又以東川府廠銅甚旺可就近運至威寧  
府以供鼓鑄臣隨札行司道先於威寧府屬之畢  
節縣地方酌量規模置設爐局將各廠收買銅鉛  
運貯備用并選撥滇省寶雲局諳練匠役前往試

鑄錢樣雖統核局務可以不誤鼓鑄然而畧無餘  
息必至折耗終非久遠計猶未敢以定議也今臣  
自因公赴黔連據呈報威寧一帶俱現有銅苗各  
請開採當經面委陞任糧驛道楊永斌親往各廠  
確查調劑并囑將新報廠地即勸本地苗民開採  
不必多招閒人一則使知有利可以資生二則各  
有所事自必漸為良懦續據楊永斌回省面稟查  
得原有之銅廠現多發旺其新報者如稻田壩之

八地廠性化里之以朶猱廠拖克廠順化里之落  
州廠女羅廠共十餘處或已經採驗或尚未開挖  
雖銅礦賍分不同要皆可以供用前緣該地夷民  
未識天地自然之利致多委棄以故搶擄為生茲  
經詳切開諭令本處保正頭目并催募爐頭廂頭  
督率教導許伊等各開各地銅廠除抽課外其餘  
銅斤俱發現銀收買隨各歡忻踴躍現議採試計  
各廠出銅可以供鑄有餘等語臣查銅鉛既足鑄

務可定業委新任平遠州知州介錫周等承管并  
分委試用人員前往聽用其一切條例工費等項  
仿照滇局成規復加斟酌務期妥協以便次第辦  
理除俟會同撫臣張廣泗繕疏請  
旨外所有黔省鼓鑄緣由合先繕摺具

奏伏乞

聖主睿鑒

臣謹

奏



欣悅覽之向聞黔省從來不用錢文今似此得毋可通行乎

同日又

奏為覆

奏事竊臣前摺內荷蒙

硃諭知府耿覲模來引見時觀其人甚平庸或老成謹

慎則有之若遇事未必能籌畫措置也留心試看欽

此臣查耿覲模係由雲南普洱通判奉

旨特授貴州正大營同知該員貌似平庸材頗明晰行  
雖謹慎人實深沉從前兩省廳員內皆推其能臣  
因其才可辦事而習氣蒼滑凡事不肯擔承必先  
討著落曾屢經嚴飭不假以詞色續見伊知改努  
力奉公因

題補貴陽府知府俾得就近撫藩以便委用以便鞭  
策昨赴京之日臣仍面加開示伊以微員末吏或  
於

天威咫尺之下惶恐矜持不能奏對亦未可定茲奉  
此不過就朕一時之見問卿不可因朕之諭預橫不足  
聖諭臣謹當留心試看如少不稱職或調或降另請  
之見於中也但留心試用而已

旨遵行再臣恭

### 進春豆摺內荷蒙

硃批果然異常之大此種類未知年年如是抑但今歲  
如是也欽此臣查雲南蠶豆種原比他省獨大貴州  
次之然如是大者亦少豌豆種類雲南如常貴州  
則較大臣在黔據報曾面問市民竝取舊豌豆比

看不但大不如是而圓潤光亮白如珠色更從前所未有伏驗今歲黔省叨荷

聖恩氣象實別無論慶雲七現遍地嘉禾誠僅聞罕見即瓜茄花果等類種種奇異並不止此不敢復瑣陳現在省城米價每石止五錢幾分其餘郡縣四五錢不等而蕎麥燕麥有賤至二三錢一石者較之往歲減價幾三倍臣等敬承之下感激彌切悚仄不遑又滇省年歲高下齊收粵西秋成亦甚豐

稔除俟彙報到日另摺奏

聞外合併附

奏伏乞

聖主睿鑒

臣謹

奏

以手加額覽之慶悅之懷實難筆諭但

天道朕實信得及感應之理真毫釐不爽者

同日又

奏為奏

聞事竊照廣西一省地介邊徼漢少蠻多其間種類各殊良頑不一在桂平潯南四府屬者猶知守本分而隸於梧柳慶思等郡者性多強悍習尚兇橫置法令於罔聞以劫殺為能事其巢窟之險深器械之銳利夥黨之繁衍所在皆然洵非捕役兵丁所能勾攝雖向來間有懲處之名或上司與下屬意見不同或文職與武員行為各別一經舉動既多

掣肘又早洩漏此所以歷久因循至今貽患而不  
可不乘時整頓者也臣仰荷

聖恩兼制該省受事之後檢查卷牘除尋常竊奪及遠  
年案件不計外自雍正元年起共有苗蠻犛獠人  
等所犯命盜大案一百二十宗又新經報發七十  
九案皆係劫財殺命未結之重獄雖依例查叅緝  
審究無以清其根源而或過於嚴急以期速效又  
恐威信未立轉難以挽回是惟在先勸後懲寓嚴

於寬但擒渠魁暫置影從其地方兵役衿監嚇詐  
勾通之弊務在禁除毋少姑息凡有故犯者定立  
斃杖下以儆姦頑庶得有頭緒或漸可以就理也

臣每據各屬稟事莫不詳切批答並令遍告臣意

謂總督某有必欲殺者為兇惡有必不殺者為愚  
懦有事應殺而或不殺者因其知悔有罪不至殺  
而或竟殺者因其造意迄今數月查各處土夷亦  
各稍有忌憚相誠守法如思明府屬之鄧橫寨向



號兇頑應施懲治前經臣

奏明續因其填濠伐竹形似支吾又委令員弁親往  
究訊據稱該寨夷衆跪迎懇訴矢誓歸誠如少有  
不法願甘寸磔並取有甘結編送戶口臣復准提  
鎮來札隨許以自新其餘一帶搖獍皆現屬安靜  
獨有慶遠府屬荔波縣之高黑寨惡苗梁總剛梁  
總納等勾黨嘯聚靡惡不為掠人貲財擄人子女  
且因地接黔邊又有棍徒勾引川販潛往窩藏暗

添羽翼該縣遣役緝捕被惡黨搶回兇犯毆死縣

差臣時駐劄貴陽審理川販積案內有荔波高黑

兇苗起釁者甚多先已嚴檄查拏並無報獲續據

該縣詳到隨札移提臣張溥即委幹員酌帶漢土

兵丁相機往捕并諭貴州都勻獨山文武撥兵堵

禦協拏又思恩府屬之上林縣有東西兩撫蠻民

向居化外不受約束而西撫之積賊樊李王樊匡

料等父子兄弟濟惡一門世踞六便村中出沒古

零等處招集外賊獍獠為衛防交結衿棍兵役為  
護庇擒既不獲撫又不能歷來地方文武俱視為  
莫可如何今附近里民因受害最烈懷恨已深願  
出糗糧請兵勦賊臣據報前事隨查通省命盜上  
林為最上林一邑又樊賊為最現有特叅營備諱  
盜一疏內所開近日刦殺十案悉係樊賊行兇洵  
屬著名巨寇若不急為擒縛流毒何底是以飛檄  
柳慶協副將潘紹周會同該署縣何允秀分撥兵

練協力擒拏現在堵禦搜緝臣查高黑六便二處

賊蠻荼毒善良禍害邊境罪狀雖異惡跡實同今

先後發兵懲創兇賊雖尚未授首而黨羽已散巢

穴俱空實力捕擒料難漏網然賊首一日不獲地

方一日不寧若或少有逡巡必致復聚滋事此又

務當濟以嚴急以示威信以儆姦頑者也提臣張

溥自受事以來實心實力不辭勞怨考察營伍申

明號令現在旗幟器械已一概整齊獨兵丁疲弱

猶猝難精練初張溥見百不如式少有躁心臣經  
密札婉規伊隨肯諾其出巡之舉前曾寄商臣念  
巖疆重地且經廢弛之餘非親身閱歷不能周知  
情形一旦有事故實難以遙度布置到任之初出  
巡固不可少但若歲以為常又或日久相沿視以  
為例恐不免煩擾亦不可不慮經前後兩札覆知  
總之粵西軍務振刷者其皮毛鼓動處在志氣調  
停整頓兩事一心統俟臣到粵得悉大局再與撫

提二臣酌商緩急次第料理外合併奏

聞伏乞

聖主睿鑒臣謹

奏

嘉悅覽之朕於三省更無纖毫顧慮處惟靜聽

上天佑卿諸凡就緒耳

雍正七年十一月初七日雲貴廣西總督臣鄂爾

泰謹

奏恭請

皇上聖安

朕躬甚安好卿好麼新春新禧諸凡平安吉利如意也

同日又

奏為恭謝

聖恩事雍正七年七月十四日臣齋摺家奴蒙

恩賞銀十兩馳驛齋回

御賜臣花緞四疋寧綉四疋貂皮四十張哈密瓜二箇

抵滇臣隨郊迎至署恭設香案望

闕叩頭謝

覽卿奏謝矣

恩祇領訖敬啟摺叩跪捧莊誦內請赴粵一摺荷奉

殊批好應題奏者具題但卿赴粵時凡少有烟瘴處萬  
不可經歷若少踈忽則違旨負恩莫此為甚也必遵  
旨行欽此臣伏讀之下仰窺

聖慈感極涕零莫能自解查粵西地方委屬烟瘴而百  
色西隆一帶為尤甚惟冬至以後春分以前行人



可保無虞其餘月令俱難免侵染是以臣欲乘此時徑由百色一路赴粵經過提鎮各協營約於封印前可抵桂林省城商酌諸事畢即於正月初旬取道全州一路由黔回滇是粵省地方既可以遍歷而回至鎮遠再停駐數日將新闢一帶苗疆親加查詢並接見古州等處苗民面加撫綏然後抵貴陽過安順與撫提二臣妥議諸務由新開路沿途查勘以入滇境總不過三月初即可抵署縱有

烟瘴處亦並非烟瘴時也臣務當凜遵

聖訓節飲食慎寒暖以自重自愛萬不敢少有疎忽以  
自蹈背負臣已定於本月初八日起程所有赴粵  
日期另疏

題報外謹此繕摺恭謝

聖恩伏乞

聖主睿鑒臣謹

奏

欣悅覽之實慰朕念

同日又

奏為恭奉

聖訓一併陳明事雍正七年十月二十九日准禮部咨  
稱為慶雲一月七呈黔省千秋一見事儀制清吏  
司案呈禮科鈔出雲貴廣西總督鄂爾泰題前事  
奉

旨據總督鄂爾泰奏稱黔屬思州及古州之梅得等處

自七月初八日至閏七月十一日有五色彩雲光輝  
燦爛疊秀爭華歷時經久一月之內七見嘉徵等語  
朕嘗言天人相感之理捷於影響督撫大臣等果能  
公忠體國實心愛民必能感名

天和錫嘉祥於其所轄之地即如鄂爾泰頻年駐劄本省  
祥雲三見於滇南今年以公事前往貴州慶雲即見  
於黔省又如今歲岳鍾琪領兵甘肅而甘肅禾稼豐  
登田文鏡節制山東而山東秋成大稔又如李衛總

督浙江比歲以來境內農田豐熟今年甫離浙境而衢屬山鄉即有蛟水泛溢之事舉此近事數端仰見上天昭示顯然欲使君臣共知儆惕也朕素不言祥瑞所以屢年以來從未曾因嘉徵而受慶賀而敬慎之念日益加虔想中外臣民亦共知之矣夫

上天示人君以災祥一如人君加臣下以賞罰也人臣受君上之賞固不可侈然自足放逸驕矜若並無欣慰之心而不以為慶則受君上之罰亦不知畏懼悔改

朕此論乃有因而發者朕向一迂濶之人論及卿伊言

此非矯情違衆之人即胸無忌憚之輩矣人君之於

卿公忠體國才猷夙著但少疑者喜言祥瑞與論未免

天其理亦復如是至於鄂爾泰之屢次奏報慶雲者蓋以

有輕之者世間竟有此等之人真可發一大笑既有此

滇黔地方有此瑞應萬目共覩在人臣之心無不願

論入耳所以有此曉諭也

國家之蒙福兆庶之凝禧州縣申詳而督臣陳奏此

皆出於情理之不能自己倘有心懷不肖之人或且

議其為迎合或且譏其為諂諛此皆藏幸災樂禍之

邪心不止於春秋責備賢者而已惟是滇黔遠省荷

上天之垂象加恩如此則自大臣以及官弁兵民宜如何

之敬謹虔恭以永承

天貺是所當夙夜加勉者也該部知道圖併發欽此欽遵  
到部將圖存部外相應行文直隸各省督撫轉行  
駐劄該省之提鎮文武各衙門可也等因到臣隨  
欽遵轉行外臣跪讀數四敬仰我

皇上發明

天人感應之理廣大精微而一本誠敬值庠徵之屢至總  
兢業以相承所以保泰持盈欽若

昊天者無時無事而不然是以

上天申命嘉祥疊見此實

聖德之隆有以感召而臣等蒙福得幸際其盛者也於此而有不夙夜加勉敬謹虔恭以冀永承

天貺而或反侈然自足不知慚懼是不識

天心之無私不體

聖訓之至切將自無承受地而恩不可長災且逮身累及黎庶其罪豈減於矯情違衆胸無忌憚之輩哉



伏念身為大吏凡所轄之地即為家所轄之地之  
兵民即皆子弟遇祥則喜遇災則憂固人情同然  
矣若地方寧謐年穀順成忻太平之有象致雲物  
之呈祥即愚魯民苗山童野叟尚且額手歡幸頌  
萬年有道之

聖人而職任封疆或並不以為慶故泛視以鳴高是不  
但不仰體

聖主厯念邊方之至意其於地方亦何殊視秦越而不

關肥瘠者況事須據實何嫌數見如以為諂諛

聖明不受如以為迎合諸臣且不能蓋能迎合堯舜之  
人必係臯夔之選以臣自揣愧未能窺測萬一實  
不敢自欺也在臣於諸祥瑞必彰明較著者然後  
具

題若係邊隅僻地或即在會城而非萬目共覩者多  
未經具報即如滇省慶雲其在省城六月十八日  
五色雲呈見七月十七日巳時五色雲呈見十月

初六初十日五色雲呈見十二日五色雲呈見在  
各屬於九月二十八日新平縣呈見五色雲歷辰  
巳二時十月初六日安寧州呈見五色雲與省城  
同日十月初九初十十一連三日烏蒙府五色雲  
見正值建造

萬壽宮興功之始俱經地方官呈報至月華之祥亦不  
勝書閏七月十四夜省城月明如晝有五色雲捧  
護照耀十月初十十一兩夜省城見月傍彩霞擁

護而八月初據報大理武定二府俱產有靈芝此  
實時和年豐漢夷安樂之兆臣不勝慶幸不勝倣  
惕至於趙州醴泉普安州稻孫尤為從來所未有  
又十一月初二日據黔撫臣張廣泗札並屬員稟  
稱十月二十五日起在省文武於

萬壽宮齊集坐班據都勻府知府王鍾珣差齎芝草一  
本呈稱係在苗疆開河處所從石中採取並不附  
於草木其芝如蓋似雙如意又合而為一長盈尺

許其質甚堅五色煥彩等語此謂非

欣幸覽之此實卿忠誠之所感名非朕推美於卿作違

聖德遠被風氣轉移之明驗是亦矯情違衆無體

心之諭也然

國愛民之心者矣除滇之醴泉黔之稻孫靈芝聽兩

上

天賜佑之德朕亦不敢矯情謂於朕無涉蓋君臣之間

撫臣具疏

若少不能視為一體則為庸主愚臣矣同禧二字實為

題報外所有恭奉

通諭餘無可諭

聖訓理合

奏謝及續報慶雲芝草一併附摺

奏明伏乞

聖主睿鑒臣謹

奏

題到有旨

同日又

奏為恭報滇黔粵西三省秋收分數米糧價值仰祈  
睿鑒事竊照兆民樂利端藉屢豐終歲盈寧尤期秋熟  
况在邊省民之所依惟稼穡是賴滇黔粵三省豐  
熟氣象屢經摺報而實在分數必俟秋成之候臣

前檄行各藩司確查詳報去後茲據雲南布政使  
張允隨詳稱雍正七年自夏徂秋各屬雨水調勻  
高低田畝通得栽插據廣西廣南元江鎮沅開化  
普洱威遠永北鶴慶蒙化麗江順寧景東等府嵩  
明霑益宣威馬龍陸涼羅平尋甸師宗彌勒建水  
石屏阿迷寧州新興路南趙州鄧川賓川雲龍鎮  
南南安劍川和曲祿勸等州昆明平彝蒙自河西  
新平河陽江川恩樂太和浪穹保山永平楚雄廣

通定遠定邊大姚元謀等縣具報穀收實有十分

蕎收實有八九分據東川府并騰越雲州姚州鎮

雄等州呈貢羅次祿豐通海習莪雲南會澤等縣

具報穀收實有九分蕎收實有八分據烏蒙府并

晉寧昆陽安寧等州宜良易門富民永善等縣具

報穀收實有八分蕎收實有七分據南寧縣具報

除被水田地補種者有十分六七分外其餘穀收

實有十分蕎收實有九分又據雲南等府州縣呈



送瑞禾瑞穀自一莖十三穗至七八穗五六穗者  
一千餘稞目下米價惟烏蒙夷地出產無多現在  
每京斗賣銀一錢九分省城五方雜處兵民衆多  
每京斗賣銀一錢二分各屬之價或六七分或九  
分一錢較之省城頗賤萬姓歡呼羣工忭舞凡此  
嘉祥上瑞皆由我

聖主敬

天勤民感格

上蒼之所致相應據實詳報等情據貴州布政使鄂彌達  
詳稱今歲自夏入秋晴雨應節高下田地俱得及  
時耕種目今早稻已經收完晚穀現在收穫稻穀  
有一莖數穗及穀穗長至二尺自四百粒以至七  
百餘粒者小米有一莖二十七穗者高粱稗子有  
一莖十五穗者黔省從來未見咸稱奇瑞各府州  
縣與各土司地方米穀雜糧收成雖止有十分其  
實倍收於往昔通省皆然不敢分析瀆陳現今省

城米價每一市斗細為較量折倉斗一斗六升每  
一市斗賣銀一錢各屬市斗大小不一其價亦約  
畧相同以倉斗計算每斗不過四五分至六分而  
止黔省天末邊疆乃得歲登大有戶慶盈寧皆我  
皇上德澤深厚感名

天和所致除各種瑞穀委員齎送撫臣

進呈外理合呈詳等情據廣西布政使張元懷呈稱  
今歲風調雨順行據臨桂興安宣化三縣報早晚

二稻收成均有十分黃豆小麥蕎麥各有八九分

靈川縣報早晚二稻收成十分黃豆小米麥各有

七分蕎麥八分陽朔縣報早稻收成九分晚稻十

分黃豆六分麩麥蕎麥各有九分永寧州報早晚

稻收成十分黃豆米麥蕎麥俱有八分永福縣報

早晚稻收成十分黃豆米麥七分蕎麥六分義寧

縣報早晚稻黃豆米麥蕎麥收成均有十分全州

報早晚稻收成十分黃豆七分小米麥八分蕎麥

五分灌陽縣報早晚稻收成十分黃豆蕎麥六分

小米麥八分平樂縣報早晚稻小米糴子收成各

十分黃豆八分芝麻七分棉花九分永安州修仁

蒼梧藤縣等三縣報稻穀收成十分豆八九分恭

城縣報穀豆收成均有十分富川縣報早晚稻黃

豆米麥收成各十分賀縣象州報稻穀收成十分

黃豆六分荔浦昭平二縣報稻穀雜糧收成俱十

分泗城府橫州上思西隆等州東蘭南丹那地田

州等土州容縣岑溪懷集思恩荔波武宣西林等

縣永順長司各報稻穀收成十分隆安縣報稻穀

收成八分豆與雜糧均有十分新寧州賓州永淳

來賓遷江三縣奉議土州下旺安定二土司各報

稻穀收成八九分馬平羅城懷遠三縣報早晚稻

黃豆小麥蕎麥芝麻收成俱有十分雒容縣報稻

穀糲子收成十分黃豆八分蕎麥六七分柳城縣

報稻穀黃豆芝麻各十分粟米糲子九分蕎麥正

在暢茂麵麥始行布種融縣報稻穀小米黃豆芝  
麻收成均有十分宜山天河二縣河池州忻城土  
縣永定土司永順副司各報田稻今歲倍收實有  
十二分武緣縣報稻穀收成八分小米四五分豆  
三分鬱林州博白北流陸川興業等縣報早稻收  
成八分晚稻收成七分上林縣報早稻收成九分  
晚稻收成十分尚有潯州太平二府所屬漢土州  
縣未據報到然而粵西處處豐登柳州等處俱產

嘉禾自一穗兩歧至六七穗者甚多則潯太二府亦無有歛收者應俟詳到另報至省城米價粗米每斗賣銀六分四釐細米每斗賣銀七分三釐五毫其餘各屬貴賤不同賤者四五分一斗貴者八九分以外總不及一錢之數百姓咸謂從來未有此倉箱之慶山農村老無不稱觴遙祝感戴

聖恩等情各到臣除潯太二府俟該司查覆如果豐收無庸再



奏外所有雲南粵西二省秋收豐稔黔省年登大有  
并三省米糧價值理合

奏報再據貴州布政使鄂彌達稟稱普安州屬早稻

刈穫之後稻根上復生長稻孫仍又吐花結實重

此乃從來未聞之真祥瑞也大奇

有三分收成相應將送到穀穗呈驗等語此實罕  
見之奇事異常之休徵相應一併奏

聞伏乞

聖主睿鑒臣謹

奏

以手加額覽之朕向來深信

天道捷如影響今歷覩滇黔之賜應實愈加親切倍增寅  
畏也不但當世封疆大臣起奮勉效法之心即將來奕  
禩膺父母斯民之任者亦莫不興感忠誠任事之念也  
卿之功大矣

上天

聖祖賜朕之恩厚矣我君臣惟愈加敬謹以仰報

天

祖之罔極耳期共勉之

同日又

奏為苗情踴躍嚮化誠切事竊照黔苗之役雖業已  
開通議設營汛撫綏防範可保無他虞然而苗性  
多疑漢人多詐武易張大文易懈弛善後之計實  
較創始為尤難欲求其傾心思服願為良善日近  
日親愈久愈安臣每熟慮未時刻未能放心今回

署已三月屢接張廣泗札並各員弁稟報俱稱八萬古州遵奉約束有頭人數十名前來省城撫臣剴切宣諭鼓勵賞勞該苗等得觀閭里之安居樂業又見官府之體統威儀深知惡必誅而善必賞依戀情殷樂而忘返再三勸誡始資送回寨而清水江一帶諸苗前因有姦人捏造加糧大田之說以致該寨驚惶今聞風響慕爭先赴營言傳聞之誤並將所藏過山礮二位呈繳又有頭人三十名

赴省叩見歸依誠懇再八寨苗衆現在奉公輸將  
之外並以起造營基願趨力作其丹江各寨則於  
收成後自來請納錢糧不待催喚均極觀感之誠  
其九股苗人因向有讐隙自相殘殺者行營文武  
為之剖斷俱各遵依知有法度不復敢爭訟清水  
江通楚河道現在客貨通行可資生理惟古州都  
江可以通粵水道有原未招撫之定旦寨生苗尚  
在阻梗該文武亟欲開通業經臣密飭令其緩待

務俟營制既定諸務就緒然後相其順逆一舉可  
畢蓋既非難事亦並非急事也臣觀此情形新闢  
苗疆二三千之地似俱安靜寧帖可無上廛

聖懷總俟臣自粵回黔親歷其邊境再當宣布

皇仁剴切開諭釋其畏疑之心指以安全之路俾知威  
必不可犯而恩日有加但得官弁無擾斯必苗民  
胥慶矣謹繕摺奏

聞伏乞

聖主睿鑒臣謹

奏

覽

同日又

奏為

奏明調劑黔省鉛觔並辦獲滇省鉛息事竊照貴州  
威寧南籠二府所屬馬鬃嶺丁頭山等廠出產倭  
鉛向供雲南錢局之用經委滇員管理茲滇省羅

平州地方出有鉛礦已足資配搭鑄錢而貴州現在請開鼓鑄需用鉛筋則威寧等處之廠應就近歸黔經管庶兩有便益亦易施調劑查馬鬃嶺廠每年約可出鉛一百萬筋大雞廠約可出鉛一百五六十萬筋砂朱廠約可出鉛二三十萬筋江西溝廠約可出鉛一二十萬筋四廠共計三百萬筋照例二八抽課每年可得課鉛五六十萬筋已敷新局之用其爐戶餘鉛每年共有二百三四十萬



勛又丁頭山一廠可出鉛十餘萬勛柞子一廠可  
出鉛一百餘萬勛總緣開廠之處地僻山深不通  
商賈以致鉛皆堆積而爐戶人等工本無幾時有  
停工誤卯之虞若不設法接濟疏通難期功效况  
各省現有議開鼓鑄者徒以路遠不前即有一二  
官商前來如聽其赴廠購買不特馱馬催腳呼應  
不靈而攜帶重貲深入險遠之地亦難保無疎失  
是以臣駐黔時即經面同司道商酌照滇省

題明收買運售之例借動庫項委員在廠將餘鉛按數收買就其取鉛之難易以定發價之重輕如馬鬃嶺砂朱江西溝柞子四廠礦淺煤近每百觔俱給銀一兩二錢大雞丁頭山二廠煤遠礦深每百觔俱給銀一兩五錢庶爐戶等工費充足且有餘利得以盡力攻採而廠地始能興旺俟收買既定陸續發運於楚粵四達之區公平轉售又可濟官商之緩急除腳價費用外每鉛百觔約可餘銀一

兩總計一年可得三萬餘金歸公充餉如再有節省贏餘查黔省各員養廉尚有不敷應另議酌添并備公支用此皆得有帑項通融籌畫是以裕課利民始獲鉛務之效也至於鉛廠既經歸黔則從前滇員所收買之鉛觔自應銷售清項臣前委武定府知府朱源淳收買黔鉛共發過本銀二萬兩

曾經

奏明今據朱源淳除繳還原領工本銀二萬兩每百

勛應歸公銀一兩共歸公銀六千八百七十兩零  
外尚贏餘四千七百六十八兩零俱已兌交藩庫  
以備公用而滇省羅平所出之卑浙塊澤兩廠仍  
委朱源淳承領工本買辦供鑄每百勛已有銀一  
兩歸公現又議加課息將來仍有贏餘除聽滇黔  
二撫臣會疏

題報外所有調劑黔省鉛勛竝辦獲滇省鉛息緣由  
合併

奏明伏乞

聖主睿鑒

臣謹

奏

命該部鈔錄存案俟題到查核

同日又

奏為報明七年分鹽銅課息事竊照滇省正賦為數  
無多所有鹽政廠務最關緊要臣自受事以來極  
力清查擔任辦理雖尚無大效亦稍有頭緒曾經

節次

奏明今鹽道馮光裕自雍正六年十一月二十二日到任起實心條理絲毫無欺計此一年內共徵獲節年新舊正額課項贏餘銀四十二萬八百六十一兩零較比額數多催獲銀八萬七千五百六十一兩零其額外贏餘一項共收獲銀四萬七千六百八十八兩零帶徵從前遺欠在內若連

題明抵補減價增薪缺課等項合算共有額外贏餘

銀六萬一千餘兩其零星積餘一項前道劉業長  
在任共二十三箇月除開銷公用外實解司庫銀  
止二萬二千六十四兩零令馮光裕十二箇月內  
報出積餘銀共二萬一千五百六十六兩零內除  
開銷捐設通粵各驛馬價等項公用銀七千六百  
一十六兩零外實現存解司庫銀一萬三千九百  
五十兩零是合每一年算實較前道劉業長多收  
積餘銀四千八百兩零至各廠銅餉雍正六年分

止辦獲二百七十餘萬者緣夏秋之間時氣盛行  
廠地尤盛廠丁難以存住故銅數大減今歲天氣  
甚正各廠興旺糧道黃士傑復能盡心努力現據  
報春夏秋三季已辦獲銅二百四十萬目下冬季  
三月正出銅之時只須接濟工本不誤採煎實可  
辦銅一百六七十萬是七年分銅餉仍可辦獲四  
百萬之數其湖北銅運因該省願買滇銅臣現在  
發運一百餘萬至永寧水路聽其收領湖南廣東



俱委員差役赴滇買銅臣俱令糧道如數發賣並  
些少減價以恤遠來其吳省銅餉因去歲運到之  
銅至今尚未收解不便再運應俟年終將銅數報  
部後聽候部撥所有七年分鹽務贏餘銅廠興旺  
緣由相應

奏報再鹽務銅餉及銀鉛各廠事件向俱係撫臣專  
政臣到任後因諸項不清故一意經理今已有成  
規惟在調劑仍應聽撫臣總理臣照舊稽察亦並

不敢少有諉卸已面囑沈廷正並通知司道合併


陳明伏乞

聖主睿鑒臣謹



酌量之不可因專政避嫌倘有疎虞朕惟卿是問耳回  
滇時將朕諭令沈廷正知之

硃批諭旨卷一百二十五之十二



總校官庶吉士臣侍朝

校對官中書臣吳裕德

臚錄監生臣龔秉震